

# Ленинэнь киява

ВЛКСМ-нь Мордовской обкомонт ды Саранскоень ошонь комитетэнь газетаст

ДЕКАБРЯНЬ

5-це чи

1937 ие

№ 137 (816)

ЛИСИ: 7-це ИЕ ЧИНЬ ЮТАЗЬ



Декабрянь 5-це чистэнь Советской Союзонь народнэ праздновать Сталинской Конституциянь чинть. 1936 иень декабрь 5-це чистэ примазь СССР-нь Конституциясь ды те чистэ являвтось всенародной праздникекс.

Сталинской Конституциясь—Октябрьской Социалистической Ине революциянь бороцямонь ды изнявкстнэнь итог. Советской масторсь Конституциянь чинть ютавты СССР-нь Верховной Советс кочкамотненень радостной всенародной анокстамонь знак ало.

СНИМКАСОНТЬ: И. В. Сталин ялгась СССР-нь Союзонь Советнэнь VIII-це с'ездэнтэ теи доклад СССР-нь Конституциянь проектэнтэ.

СОЮЗФОТО.

## СССР-нь Верховной Советэнь Национальностненень Советс кочкамотненень коряс Саранской городской 422 № округонь

Окружной комиссиясь регистрировизе Национальностненень Советс депутаткс кандидатокс

### Николай Викторович Красовскоень

„СССР-нь Верховной Советс кочкамотнеде Положениянь“ 60 статьянь основаниянзо коряс регистрировамс СССР-нь Верховной Советэнь Национальностненень Советс баллотировканть туртов Саранской городской избирательной 422 № округанть кандидатуранть, конань аравтызь Саранскоень фабрикатненень ды заводтнэнь рабочейтненень, служащейтненень ды инженерно-технической работниктненень общей промкстнэс ды Ст.-Шайговань, Лямбирень ды Вертелимень районтнэнь колхозниктнэнь общей промкстнэс Мордовской АССР-нть пельде СССР-нь Верховной Советэнь Национальностненень Советс депутаткс Николай Викторович Красовскоень

кандидатуранзо, шачсь 1904 иестэ, ВКП(б)-нь ч л е н, Мордовской АССР-нь внутренней тевтненень народной комиссар—званиязо—полковник, эри Саранск ошсо.

Включить Николай Викторович Красовскоень кандидатуранзо тайной голосованиянь туртов избирательной бюллетенёс Саранской избирательной 422 № округа.

Саранской городской окружной избирательной комиссиянь председателесь Панков, председателень заместителесь Крысин, секретаресъ Галинский, комиссиянь члентнэ: Воронин, Веряскин, Хуснутдинов, Мишечкин, Цыганов, Давыдова, Руськин, Чудаев.

## Сталинской Конституциянь знамянзо ало

1936-це иестэ декабрь 5-це чистэ Советнэнь Всесоюзной Чрезвычайной VIII-це С'ездэнтэ примазь победившей социализмань Конституциясь. Те чистэ кармась улеми всенародной праздникекс. Те с'ездэнтэ од Конституциянь проектэнтэ коряс доклад тейсь минек эпохань ине ломанесь, генеральной вождесь ды СССР-сэ социализмань победатненень организаторсь Сталин ялгась.

Весе масторось, вишка эйкакшсто покш ломаньс радио вельде кунсолось вождентэ ды учителентэ докладонзо. Весе Советской народось с'ездэнь делегатнэнь марто вейсэ шпасть минек масторонь од Конституциянь инициаторонтэнь ды творецэнтэ ине Сталинэнь.

СССР-нь народось, эрвась эсь родной кельсэ, тонавтнэсь ды тонавтни Сталин ялганть докладонзо. Те докладсонть изумительной вий марто невтезь ютазь шкань исторической итогтне.

Ленинэнь—Сталинэнь партиянь руководстванзо коряс минек масторось велявтсь индустриальной виев державакс, мирсэнтэ сех икеле молиция велень хозяйствань масторокс, теевсь счастливой ды радостной эрямонь масторокс. Советской Союзось теевсь социализмань нерушимой крепостекс. А содавицякс велявтсь ташто Россиянь обликесь. Кассть Сталинской пятилеткатненень гигантт, касыть благоустроенной ошт. Велесэ господствует колхозной строй. Колхозниктненень навечно, питневтема максозь модась. Калмазь ташто сокатне, колхозонь паксясо сокить стальной вадря тракторт. Ней уш допрок емась крестьянтнэнь пингень нужась. Колхознэ кармасть улеми снопав ды культурной эрямонь основакс. Минек масторсо окончательно ды бесповоротно изнясь социализмась. Допрок маштозь эксплуататорской класстнэ.

„Кадовсь рабочей классось.

Кадовсь крестьянствась.

Кадовсь интеллигенциясь“.

(Сталин).

Советской народонть дружба—нерушимой. 60-шка нацият, национальной группат ды народность тейсть вейке многонациональной государства. Изнясь ленинско—сталинской национальной политикась.

Минек Конституциясонть сермадозь народонть ине прават: права труд лангс, права оймсема лангс, права образования лангс. Неть праватнесэ истяжо, кода весе минек масторсо трудицятне, пользуются минек Советской од ломантне.

Капиталистической весе госу-дарстватнесэ од ломантненень нельгизь кочкамонь праваст, сынэ овси а нолгневить кочкамотненень эйсэ участьянтень. Советской од ломантне сехте счастливойтэ весе мастор лангонь од ломантнестэ, минек од ломантне аволь ансяк кочкить, но могут улемс масторонь Верховной Советс кочказекска.

Те праванть свято вансты минек законось. Сонзэ эйсэ пользуются минек од ломантне. Советской од ломантне, конатненень окружили авань мельсэ ды заботасо народось, советской правительствась, кастынзе-кемекстынзе большевистской партиясь, ине вождесь, тонавтыцясь ды оясь Сталин ялгась,—выдвигают эсист ютксто куш одт, ногосударствань управлениянь ответственной тевентэ туртов пек достойной кандидатт. Сынэ выдвигают масторонть сехте преданнойтнень.

Советской народось кеми эсинзэ од ломантненень, сень содазь, што сынст туртов арась мазеяк седе почетной—трудовой народонть беззаветной служениянь тевдентэ башка. Народонь врагтнэнь, подлой фашистской троцкистско-бурхаринской ды буржуазно-националистической шпионтнэнь ды диверсантнэнь пси ненависть ды презрения эри Советской од ломантненень седейсэ.

„Ней, зярдэ фашизмась мутной волнась оплевывает рабочей классонь социалистической движени-янь ды рудаз марто човори цивилизованной мирэнь сех паро ломантненень демократической устремлениясь, СССР-нь од Конституциясь карми улеми фашизмась каршо обвинительной актокс, ко-на корты седе, што социализмась ды демократиясь а изнявикс“.

(Сталин).

Минек Советской Союзонь од ломантне эсист эрямост алтыть сень кис бороцямонтень, штобу Сталинской Конституциянь счасиясь кармаволь улеми весе человечестванть счасиякс.

## „Ансяк ней вадря эрямом“

Василий Зиновьевич Михалкин вишкинестэ кадовсь тетявтомо ды ававтомо. Кши сускомонтэ кис сонэнзэ савсь ламо пишемс, неемс ламо а паро.

Зярдэ кассэ седе покшсто, сон кармась яксеме отходничествас. Ютызе весе Равонть, ульнесь Астраханьсэ ды Хволынскойсэ. Но костояк эзь муе счасия. Таго мекес сась шачома велес—Курилов.

Кавто иеть ульнесь эрва кодамо тевсэ роботыцякс монастырьсэ. Тосо сон неизе монастырской весе гнусностэнь, тосонь служительтнэнь нулгодьксэв тевест. Михалкин ялганть лангсо пек наргась Рафаиллова игуменшась.

Зярдэ ушодовсь коллективиза-

циясь, Михалкин ялгась совась колхозс ды кармась тосо парсте роботамо.

—Ансяк колхозсо, ансяк ней монэ вадря кармась улеми эрямом,—корты Василий Зиновьевич. Сонэнзэ 55 иеть. Тедице колхозсо тейсь 350 трудочитэ.

Ней Михалкин ялгась аноксты Верховной Советс кочкамотненень.

—Эсь вайгелем мон максса Отто Юльевич Шмидтэнь кис. Мон сонзэ неия районсо митингсэ. Мария кортамо. Парсте кортась! Зярдояк те монень а стувтови,—корты Михалкин ялгась.

Вл. Ананьин.

Ромодановань район.



# СССР-нь ГРАЖДАНТНЭНЬ ИНЕ ПРАВАСТ

СССР-нь граждaнтнэнь  
ули праваст труд лангс

## Монь гордостем

Россиясонть вадра эрямо лангс праваст ульнесть ансяк сюпавтнень, трудицянть веренть потицятнень. Робочейтне сестэ паро эрямо эсть арсеяк. Сынст мик арасельть праваст труд лангска.

Мон трудовой эсь эрямом ушоды 12 иесэ церынекс. Ды штобу муемс робота, добовамс кодамояк квалификация—мон ламо иеть овси питневтеме роботахшнынть помещикень ды фабрикантонь кедьсэ. Мейле, зярд добовинь квалификация—савкшнось пек ламо роботамс, кандомс эсь лавтовтнэнь лангсо ламо стакат, эрваэськельксэнь теестэ савкшнось пелемс седе, кода бу аволимиэь штрафова ды аволимиэь панть робота.

Но весть, самай се, мезде пелилинь, теевсьяк.

Тевесь ульнесть 1912 иестэ, Тамбовской губернясо. Роботынть то со винокуреной заводсо машинистэкс. Ды, вана, вейке чистэ лоткась роботамодо заводсь. Чизэ ульнесть праздник. Инструкциянь коряс минь не должны роботамс се чистэнтэ.

Мон аштан машинной отделенийсо. Овси апок учне тозой совасть управляющеесь ды лият.

Управляющеесь таргась наган ды кевкстни:

— Косо машинистэсь, кие истямось сон?

— Мон машинистэсь, мезе тенк эряви?—кевкстинь сынст.

— Ды мон тонь, шайтянотъ, нейке жо вана ледтян! Мекс а нолдат машинанты!

— Тень минь эщо нейсынек кие кинь машты,—кежейстэ отвечинь.

Мейле ванса, сон наганотъ ладизе монь каршо ды кармась само маланзон. Пек сестэ сакшнось кежень се держиморданть лангс. Чополгадсть мик сельменьяк. Саия вакссон аштиця кшни пенть ды арсинь каямс тензэ коня ланга. Но кедень кундыз удальдо.

Весе тедэ мейле сеске жо монь панимиэь робота. Эсть максо тень мик расчотка.

Ансяк Октябрьской Ине революциясь робочей классонть лавтов лангсто ертынзе весе дармо-едтнэнь. Сталинской Конституциясь жо миненек, СССР-нь весе граждaнтнэнь, макссь ине прават, конатнень эйстэ вейкесь—те роботамо лангс права.

Минек большевистской партиясь ды Советской правительствась пектеяк-пек мелявтыть минек масторонь трудицятнень кис. Мон сисем иеть ды 6 ковт роботынть Саранскоень птицекомбинатсо. Тень кис 10 проц. получинь за выслугу лет. Парсте роботамонь кис ламоксть ульнинь премироваз костюмсо, курортной путевкасо Железноводское.

Ней роботан сартЭЦ-сэ слесарекс. Тедэ башка 3 цехсэ роботан профуполномоченноекс. Ды эряви меремс, што роботамонь лангс ине праванть, конась сырнень буквасо сермадозь Сталинской Конституциясонть, мон использываю честнасто робота, штобу минек родинась улевель седеяк сюпав, седеяк виев, штобу минек родинань трудицятнень эрямост улевель седеяк зажиточной ды весела.

Сексак мон мерян, што роботамо лангс правась—те монь гордостем. И. М. Разумовский.

Саранск ош.



СССР-нь Верховной Советс кочкамотненень. Мельников художник  
кенть плакатозо, конань нолдызе ИЗОГИЗ-эсь.

СССР-нь граждaнтнэнь ули праваст оймсема лангс

## МОН ОЙМСИНЬ КРЫМСЭ

Кода эрясть Октябрьской революциядонть икеле од робочейтне ды работницатне—теде мон содан ансяк книгатнень ды сыре робочеень евтнематнень коряс. Монсень жо се эрямось эзь муця, эзь лепштя лангзон весе эсинзэ сталмосонзо.

Но содан, што сестэ од роботнэ иеть истят праватнеде, кодат праванок ней улит минек—арсемскак эзь смея. Сехте пек жо сынст превсэяк арасель оймсема лангс правась. Ды ульнесть ли сынст оймсемань куш вейкешка чист? Уш а месь кортамс истят оймсематнеде, кода, примеркс, отпуск, оймсема кудосо, курортсо ды лиясо оймсематне. Тосо ульнесть ансяк сюпавтне, сетне, конатне эрясть трудицятнень трудост лангсо. Ней жо весе неть живописной таркатнесэ оймсит минек родинань трудицятне ды эйкакштнэ. Сынст улит праваст оймсема лангс. Миненек, кода робота ды тонавтнема, истяжо оймсема лангскак ине праватнень максынзе большевистской партиясь, минек родной правительствась ды трудицятнень сехте веч-

кевикс оясь Сталин ялгась.

Неть праватнесэ аволь беряньстэ пользуюсь монгак.

Монень ансяк эщо 18 иеть, роботангак ансяк эщо колмоше ие. Но те шканть перть ульнинь оймсема кудосо ды курортсо.

1936 иестэ, зярд мон сыргинь отпусков,—монень макснесть путевка Сура леенть чиресэ оймсема кудонтень.

Тедиде мон цела ков лечинь ды оймсинь Крымсэ, Сочисэ. Зярдояк монень а стувтомс Сочи курортонть живописной, пек вадра таркатнень. Малав эрва чистэ минек эйсь уйневтнесть Черной моряванть, ламоксть тосо экшелякшныньгак. Мон шумбра чим тосо пек кемекстась.

Ды истя жо монень зярдояк а стувтомс монь кис се мелявксонть. конань оказывает минек родной правительствась ды вечкевикс Сталин ялгась. Мон те мелявксонть лангс карман отвечамо свал парсте, честнасто робота, роботамо лангс эсинь ине праванть тевс ютавтозъ.

Консервной комбинатонь роботницась Раиса Зуйкова.

## МИНЕК ПРАВАНОК

Мон Краснослободскоень политпросветшколанть пельде роботан Краснослободск ошонь ниле ульцясо Сталинской Конституциянь ды СССР-нь Верховной Советс кочкамотнеде Положениянь пропаган-дистэкс.

Избирательтне покш кенярдкс марто тонавнтнень исторической неть документнэнь, голосовамонь техниканть. Ноябрьнь 20-це чинь занятиясонть жо, зярд мон евтнинь, кинь кис кармит голосовамо избирательтне Краснослободской избирательной округсонть,—се занятиясонть покш волнения марто кортась 77 иесэ атя—Растрьгин Михаил Николаевич.

— Мон роботахшнынъ,—корты сон,—капиталистэнь кедьсэ пек ламо шка. Миненек пандсть пек аламо зарплата. Лангсонок наргасть кода ансяк маштсь. Оймсема

чить эзинеко сода. Отпусктнеде эзинеко смея мик арсемскак. Бути жо кармат вешеме седе покш зарплата, сон нейти кенгшенть лангс ды рангсты:

— Оно тонь кить, листь тестэ! Нама, тейнемс ульнесть а месь, савсь пиштевтемс.

Ней жо минек кис чистэ-чис мелявты ине Сталин, сон макссь тенек счастливой эрямо. Сон—минек од Конституциянь творец. Сталинской Конституциясонть жо сермадозь минек ине праватне, труд лангс, оймсема лангс, образования лангс праватне. Минек ули праванок сыре шкасто материальной обеспечения лангс.

Неть ине праватнесэ жо пользуюсь монгак. Неть ине праватне,—монь правам, минек родинань весе трудицятнень праваст.

Н. Демидов.

СССР-нь граждaнтнэнь  
ули праваст образования  
лангс

## Институтонть прядса отличнасто

Царской Россиясонть образования лангс праваст ульнесть ансяк господствующей классонть эйкакштнэнь. Ансяк эксплуататортнэнь эйкакштнэ тонавтнесть начальной, средней ды высшей школатнесэ.

Ней жо, минек родинасонть, робочеень ды крестьянинэнь эйкакштнэнь туртов панжозь весе учебной заведениянь кенгштнэ. Ней трудицянть эйкакштнэнь улит праваст образования лангс. Те правась сермадозь минек Сталинской Конституциясонть.

Ды аволь ансяк максозь права, но советской государствась максы весе условиятнень сенень, штобу советской эйкакштнэ вадрасто использовали те ине праванть. Советской государствась студентнэнь максы стипендия, вадра общежития, пек паро школат, вадра учебникт.

Царизманть пингстэ монень, крестьянинэнь царанть, высшей учебной заведениядо арсемскак бу аволь саво. Ней жо мон колмоше ие отличнасто тонавтия Мордовской пединститутсо. Ды кода а тонавтнемс отличнасто, зярд мон эрян Сталинской Конституциянь знамянзо ало, зярд минек кис чистэ чис заботи минек ине вождесэ Сталин ялгась!

Кой-кить монь эйстэ неить мень бути особой способностью. Нама, кодаткак особой способностью тесэ арасть. Мон отличнасто тонавтия секс, што зярдояк а стувтнесынъ В. И. Ленинэнь валонзо: „задачась ашти сенесь, штобу тонавтнемс“. Те задачанть мон то-павтан добросовестно, настойчивость ды упорства марто.

Тонавтнемадонть башка топавтан общественной робота, роботан научно-исследовательской студенческой кружоконь председателекс, роботан стенгазетань редколлегиясо ды группоргокс. Те роботанть топавтомась монень лезды тонавтнемасонть.

Монь икеле ашти покш задача: институтонть прядомс ансяк отличнасто. Те задачанть мон то-павтса честь марто. Те задачанть топавтоманзо туртов весе условиятне улит. Монь ули правам тонавтнеманть лангс, конась сермадозь Сталинской Конституциянь 121-це статьясонть.

Мон евант пек покш пасиба ине Сталинской Конституциянь творецэнтень, сехте пек вечкевикс ломанентень, весе масторлангонь трудицятнень вождементень—Сталин ялганть сень кис, што сон максынзе неть условиятнень, конатне макесьт весе возможностьнень ды конатне кармавтыть монь седеяк вадрасто „тонавтнемс, тонавтнемс ды тонавтнемс“ (Ленин).

Пединститутонь студентэсь

В. И. Синяев.



„...СССР-нь народтнэнь ютксо дружбась касы ды кемексты. Те, ялгат, сех питней сень эйтэ, мезе миненек максць большевистской национальной политикась.

СССР нь народтнэнь ютксо дружбась жо—покиш ды серьезной завоевания. Секс, што зярс те друждасть эри, минек масторонь народтнэ улитъ свободнойт ды а изнявикст. Кияк аволь страшной миненек, а внутренней, а внешней врагтнэ, зярс те дружбась эри ды здравствует. Можете несомневатся теньсэ, ялгат“.

И. В. Сталин.



СНИМКАСОНТЬ ИЗОГИЗ-нь плакат, кона посвященной Сталинской Конституциянтень. Союзфото.

## СССР-нь Верховной Советс депутатокс кандидатонтъ Мария Егоровна Печказовадо Мушконь покш урожаень мастер

Сталинской Конституциянтъ коряс СССР-нь тейтерь-аватненень максось цератненъ марто вейкетъ прават хозяйственной, государственной, культурной ды общественно-политической эрямонь весе областнэ. Ды минек тейтерь-аватне тевс ютавтуть эсист неть ине праватненъ.

Сынст ютксо ламот роботыть государственной управлениянъ органтнэс, ламот роботыть народной образованиянъ тевсэнтъ, искусстванъ ды культурной строительстванъ тевтнесэ. Минек масторонь тейтерь-аватне—активной производственницат, сынст ютксо ламо знатной ломанть—стахановкат ды ударницат, конатненъ сода-сынзе весе минек родинась.

Аволь пек ламо чинь ютазь минек масторонь трудицатне кармить кочкамо СССР-нь Верховной Советэнтъ. Верховной Советс депутатокс кандидатокс масторонь келес выдвинутыйт ламо тейтерь-ават. Мордовской республикасонть истятнэнь ютксо вейкекс ашти Мария Егоровна Печказова ялгась. Сон весе республиканть келес прославилась мушконь покш урожаень кис кеме бороцямосонть.

— Минек эйсэ тердить социалистической соревнованияс. Сон ашти сеньсэ, штобу эрва гектар-

стонть саемс 10 центнерт южной сортонь мушко... Кодамо тень кувалт тынк меленк?—кевкснесь Маруся эсинзэ звенанзо.

— Мезе було, бути уш тердить эйсэнек, эряви кундамс тевс,—вевалсо мерсть колхозницатне.

Те тевсэ ульнесь 1936 иестэ апрель ковонь васень читнестэ, Мария Егоровнань кудосо.

Сеске звенась покш энтузиазма марто кундась эрва гектарсто 10 центнерт мушконь саеманть кис бороцямо.

Кодак ансяк солась ловось, Печказовань звенанзэ лиссь эсь участканть лангс, сонзэ ваньскавтызь весе сорной тикшедентъ. Тикшесь коськель, сонзэ тоско пулстак.

Дивсестъ колхозниктне Печказовань звенанзо лангс. Хлыстовка велесэ икеле зярдояк истя а пултанить ташто бурьянотъ ды тунда истя пек рана алиснить паксав роботамо. Колхозниктне кортнестъ, што Печказова натъ меньше од тев арси тееме.

Эрясь Егор Харьков. Роботась чопудасто-чопудас, ламо таркава, ламо тевсэ роботахшонь, но... паро эрямонть эзизе неекшне.

Зяряя шкань перть седикеле сибирьга якамоськак, кочегарокс роботамоськак эзизе вадрялгавто

Егоронь эрямонзо. Кочегаркс роботамсто Егор пек томбавкшность, секс што понгонесь крушения. Больницасто лисемадо мейле сонзэ куроко панизь роботамо.

1914 иестэнтъ Егоронь саизь войнав ды теде мейле Харьков ялганть эзь савкшно одов молемс эсинзэ родной велентень, эзь саво варштамс нинзэ ды вишка эйдензэ—Марусянь, конанень молсь уш колмоце ие. Харьков Егор маштозель.

Маруся аванзо марто кармась эрямо тетянзо братнэнь кедьсэ. Вишка шкасто Маруся кармакшность яксеме роботамо паксав. Вишка шкасто сон пек вечкизе роботанть. Вечкиль сон паксят. Роботамс савкшность ламо, но паро эрямо эзь ульне.

Ушодовсь коллективизациясь. Сокиятне яжастъ межатненъ, мода потс калмась чувтонь соканть ды изамонть. Велень бедняктне, вейсэ средняктненъ марто, чалгастъ од эрямонь кинть лангс, кармасть тапамо кулачестванть. 1931 иестэ колхозс совась Мария Егоровнаяк.

Уш васень читнестэ роботамсто, Печказова ялгась невтикшнэ эсинзэ прянзо. Уш васень читнестэ роботамсто колхозниктне дивсестъ роботанть сонзэ-бажамонть. Секе жо иестэнтъ сонзэ ламоксть премировакшнызь.

1935 иестэ Печказова ялганть аравтызь коноплеводческой звенань прывтокс. Мария Егоровна кастась замечательной ломанть, тейтерь ават. Звенанзо кармась невтеме пек паро результат южной

## „Мон вайгелем максца Шмидт ялганть кис“

Нетъ читнестэ Ромодановань районь Салма велесэ ульнесь предвыборной митинг, козонь пурнавкшность „Красный сормовец“ колхозонь 450 колхозникт ды колхозницат.

Митингсэнтъ ульнесь ламо выступленият. Кортась 65 иесэ колхозникесь Иван Матвеевич Андрианов. Сон евтнесь Октябрьской революциядонть икеле крестьянтнэнь стака, бесправной эрямонть.

„Стака лецнемс минек седикелень эрямонть,—корты Иван Матвеевич.—Мон роботахшнылинь кулактненъ ды помещик лангс. Паро эрямо эзинь нексне Празанок арасельть. Ней жо мон весе марто вейсэ карман кочкамо Верховной Совет. Вайгелем максца вечкевикс Шмидт ялганть кис. Ды весень тердян сонзэ кис голосовамо“.

Салма велесэ парсте моли Советс кочкамотненень анокстамось. Роботыть 17 кружокт Сталинской Конституциянтъ ды кочкамотнеде Положениянтъ тонавтнемань коряс. Кудо-ютконь хозяйкатненъ марто ютавнить башка занятия. Избирательной участкань помещениась анокстазь вадрясто.

Вл. Ананьин.

## Максцынек вайгеленек родинанть верной ломантненъ кис

Нсябрянь 27-це чистэнтъ Шугурова велень колхозниктне, единоличниктне ютавтсть промкс, кона посвященноель Верховной Советс кочкамотненень. Промксонть кортасть ламо колхозникт, сынэ евтнесь декабрь 12-це чинтень анок-чидест.

Чалдушкин колхозникесь мерсь, што минь должны вейке мельсэ максомс вайгеленек родинанть верной ломантненъ кис.

Н. Пивкин.

мушконь покш урожаентъ кис бороцямосонть.

Агрономической мероприятианень тевс ютавтомась, дружной роботась, паро руководствась макссть эсист замечательной результатт.

1936 иестэ Печказова ялганть звенанзо сайсь 10 центнердэ ламо мушко эрва гектарстонть. Истямо урожайде Хлыстовка велень эрицятне икеле эсть марсеяк. Ды сынэ а кемильтькак сенень, што можна саемс истямо покш урожай. Ней жо сынэ неизь, што весе тевсэ ашти ломантненъ эйтэ, роботамонть эйтэ.

Кода жо Маруся саизе южной мушконь покш урожаентъ, кода сон бороцясь тень кис? Площадентъ сокамодо икеле, лангзонзо ульнесь усось удобрения, эрва гектарс 5 центнерт силвинит, 5 центнерт сульфатаммоний, 5 центнерт суперфосфат.

Шкась мольсь. Канстесь ульнесь видеэ, учось сонзэ лисеманзо, учось Маруся звенанзо марто, учось колхозниктнеяк.

— Эх, кодамо марявь кувака шкась, кода сон ризнэвць седейтень. Друк берянь карми-улеме мушкось, мейле мезе?—Кортнестъ печказовецтнэ.—Но, мушкось лисекшнесь дружнасто ды вадрясто, пиже фатасо сон вельтякшнызе моданть.

Районсто пачтякшность звенанть куля, што куроко улитъ кельменъ прамот.

Звенась сеске жо кармась анок-  
(Пезэ 4-це страницасо)



# Мордовиянь весе од избирательтненень Саранск ошонь од избирательтненень промксонть ОБРАЩЕНИЯЗО

Малав сы исторической чись—декабрянь 12-це чись, зярдо минь—Саранскоень од ломантне, кода советской весе од ломантнеяк, мирсэнть сехте счастливой поколениясь, социализмань минек родинанть народонть марто вейсэ мольдяно избирательной урнатненень ды продемонстрируем эсинек славной большевистской партиантень, эсинек сехте вадря оянтень, вождентень ды учителентень Сталин ялгантень эсинек вечкеманок ды преданностенек.

Минь эзинекее капиталистической рабствань весе ужастнень, царской гнетонть, жандармской произволонть. Но тетянок ды аванок, старшей братонк ды патынок евтемасот содатано седе, кода стакасто зрясть од ломантне царской Россиясонть. Вана мекс минь седеяк пек вечксынек ды ценим минек неень шкань пек вадря эрямонть, конанть создали минек родинань рабочей классось ды крестьянствась большевистской партианть ды од ломантненень сех вадря оянтень—ине Сталинэнь руководстваст коряс.

Конституциянь 135-це статьянь коряс минек масторонь весе граждандантнень, конатненень топодсть 18 иеть, ули правасть участвовать депутатнень кочкамотнесэ ды улемс кочказекс СССР-нь Верховной Советс. Сталинской Конституциясь максы миненек—советской од ломантненень труд лангс, оймсема лангс ды образования лангс прават.

Фашизмань агентнэ, народонь врагнэ, троцкистско-бухаринской нечистесь арсесть од ломантненень кедьстэ нельгемснеть праватненень. Минь клянёмся минек родинантень, ине Сталин ялгантень, што зярдоак, киненьгак а макстано вейкеяк завоевания.

СССР-нь Верховной Советс кочкамотненень чинть самось минек эйсэ кармавты кепедес од, седе покш ступеньс массатнесэ политической агитациянь. Минь—Са-

ранск ошонь од ломантне, декаб-рянь 12-це чистэ вейкенъ пес моль-дяно кочкамо, карматано ветьмо массово-агитационной робота избирательной участкатнесэ весе избирательтненень сядо процентной самонть кис. Избирательной участкатнес кучтано проверенной, опытной агитатортнэнь дополнительной кадрат, лездатано видестэ ды точноста тейнемс избирательтненень спискатненень, оборудовать мазы-стэ портретсэ ды плакатсо помеще-ниянтень, косо карми ютамо го-лосованиясь, эрва чистэ кармата-но лездано выделенной доверенной ломантненень разносторонней большевистской агитациясонть. Включаемс ды тердтано Мордо-виянь весе од ломантненень вклю-читься социалистической соревно-ваниянь декадникентень, конань являвтызе ВКП(б)-нь обкомонь пленумось ды Верховной Советс кочкамотненень исторической чинть оз-наменуем социалистической стро-ительствань весе участкатнесэ про-изводственной победатнесэ.

Минь—Саранск ошонь од изби-рательтне, исторической чистэнтэ—декаб-рянь 12-це чистэнтэ кар-матано голосовамо минек роди-нань сех вадря ломантненень кис: легендарной полярикентень, учено-енть, большевикенть, Советской Союзонь Героенть **Отто Юльевич Шмидтэнь** кис; неутомимой боль-шевикенть, гражданской войнань участкиенть, конась кедьсэнзэ винтовка марто вантась социа-листической отечестванть, ВКП(б)-нь Мордовской обкомонь васень секретаренть обязанност-ненень исполняющенть **Иван Алек-сеевич Кузнецовонь** кис; слав-ной наркомвнуделенть, ордено-носцэнтэ, МАССР-нь внутренней тевтненень наркомонть **Николай Викторович Красовскоень** кис. Минь Саранской избирательной округонь весе од избирательтненень тердтано максомс эсинек вайге-ленек Ленинэнь-Сталинэнь те-вентень преданной большевиктненень

О. Ю. Шмидтэнь, И. А. Кузне-цовнэнь, Н. В. Красовскоинэнь.

Минек Мордовской республика-сонть Советской государствань Верховной органонь депутаткс кан-дидатокс регистрировазь Мордо-виянь од ломантненень сех вадря представительтне **Ксения Дани-ловна Валгаева, Мария Егоров-на Печказова, Мария Ивановна Чадайкина, Архип Никифоро-вич Сергеев, Василий Николае-вич Чепанев**. Минь обращаемс Мордовиянь од избирательтненень голосовамс Мордовиянь неть икеле молиция ломантненень кис, конатне невтсть сынест порученной робо-тамонь участкатнесэ трудонтень социалистической отношениянь образецт.

Народонь врагнэ, троцкистско-бухаринской нечистесь, буржуаз-ной националистнэ снартнеть ды кармить снартнеме эрва кодамо способсо проташить социалисти-ческой государствань Верховной органс социализмантень враждеб-ной ломантненень. Минь, Саранск ошонь од ломантне, минек парти-антень лездатано таргсемс троц-кистско-бухаринской нечистенть весе ласкситнестэ ды уничтожим сынст. Тердтано Мордовиянь од избирательтненень кеменьксть седе покшолгавтомс революционной бдительностенть, а нолдамс СССР-нь Верховной Советс мине-нек враждебной вейкеяк элемент.

Макссынек весе эсинек вайгеле-нек минек родинань достойной ломантненень Ленинэнь Сталинэнь партиантень преданной чератненень ды тейтертненень кис.

Шумбра улезэ победившей со-циализмань ды подлинной демо-кратизмань Сталинской Конститу-циясь!

Шумбра улезэ большевиктненень коммунистической партиясь—СССР-нь трудицятненень передовой отрядось!

Шумбра улезэ мировой проле-тариатонь вождесэ Сталин ялгась!

## Парсте роботамонть

### кисэ—премия

**Дубенкань р-н.** Морго велень „Заречье“ колхозсонть 2-це бри-гадасо конюхокс кавто иеть робо-ты Червяков И. А. ялгась.

Сон роботамонь кавто иетненень перть пек парсте якась сонензэ прикрепленной лишметненень мель-га. Сонзэ лишметне колхозсонть сех вадрят.

Колхозонь правлениясь Червя-ков ялганть премировизе 40 цел-ковойть ярмаксо. Червяков ялгась премиянь получамот мерсь, што сон седеяк парсте карми роботамонь.

**Суворов С.**

## Пропагандистэсь сезни политтонавтнеманть

**Дубенкань район.** Кенде велень комсомольской первичной орга-низациянтень пропагандистэкс ке-мекстэз И. В. Асанов. Сон аволь ансяк мезеяк эзь тее сень кис, штобу парсте аравтомс комсомо-лецтнэнь ютксо политтонавтне-манть, но мик сезни занятиянтень. Можналь невтесм зярыя при-

## Лангс таргамс вражеской пизэнтэ

**Покш Березникень р-н.** Пара-кина велень М. Горький лемсэ колхозонь председателесэ Ватай-кин, завхозосэ Цыганов П. Ф. ды кладовщиксэ Лук'янов Е. салыть колхозонь ули-паронтэ. Сынъ колхозонь кардонь строямс ды лия ремонтонь кис лесничествас-то рамасть вирь, Колхозсто сайсть котонь-котонь алашат ды ви-ренть ускизь эстес. Колхозонь тевтненень теемс жо се чистэнтэ эсть тейне нарядгак. Виренть ус-комадо мейле бригадирэнтэ мар-то чоп симсть винадо. Ды, эряви меремс, што винадо сынъ симить свал.

Кладовщиксэ Лук'янов колхо-зонь понадо эстензэ кевердевьс 8 парат валенкат.

Колхозсонть ответственной ро-ботасто, парторганизациянтэ ини-циативанзо коряс, панезь 22 ло-манть, конат скулмавозь чапанов-ской восстаниясонть участиянтэ марто ды кулак марто. Цыганов неть ломантненень таго озавтни ответственной тевс ды мик прав-лениясь. Котин Д. М. бандитэнь цера, тетязо чавозель бандасо. Тедэ башка Котин пултакшнось варма ведьгевть. Алак вант те лангс, Цыганов сонзэ аравтызе роботамо деготень теема заводс. Котин ледсь колхозонь лугасто ламо тикшеть эстензэ ды Цыганов-нень.

Бандитэнь черангь И. В. Ива-новонь учетчиксэ панекшнызь, ней Цыганов мартонзо симсь ви-надо ды таго аравтызе учетчи-кекс.

Эряви арсемс, што районной прокуратурась кунды те теვენ-тень ды лангс таргасы колхоз-со вредительской пизэнтэ.

**Колхозник.**

## Серма редакцияв

### Зярдо вансызь монь тевем

Мон максинь Кенде велень „Юпитер“ колхозонь комсомоль-ской организациянтень заявления комсомолс совамо. Тосо прими-мизь. Тевтненень кучизь ВЛКСМ-нь Дубенкань райкомов. Комсоргось Я. Е. Русскин оймась сень лангс, што материалтнэ райкомсот.

Ютасть уш кавксо ковт, райко-мось жо чатьмони. Монь эзимизь тердтне, теветень эзизь вано. Ла-моксть кортнинь комсоргонтень, кортнинь комсомольской пром-кссо, штобу райкомонтень ледств-лизь монь тевтненень. Те шкас жо мезеяк эсть тее.

Кеман, што „Ленинэнь киява“ газетась лезды, штобу райкомось вановлизе монь теветень.

Поздоров марто **И. Ф. Русскин.**

**Редакциянтэ пельде:** Русскин ял-ганть сермазо корты седе, кода Дубенкань райкомолось бездушно относится комсомолс примамодо тевтненень, Кемдяно, што райко-мось сех маласо шкастонть ван-сынзе Русскин ялганть комсомолс примамодо материалтнэнь.

**Комсомолец.**

**Ответ. редакторосэ И. ТЮРЬКИН.**

## Мушконь покш урожаянь мастер

(П о з з)

стамо кельметненень эйтэ мушконть-стонть 15 центнердэ аволь седе ванстомантень. Васняк сынъ анок-стакшность ламо ташто олго ды коське навоз, конатнесэ пирязель видеэь весе площадесэ. Олгтнэ, навозосэ кирвастезельть, качамось келемсь паксяванть, ды кельметне изнязельть.

Аволь ламо шкань ютазь муш-конть лангс каявокшнось блошка, конань каршо истя жо савсь ламо бороцямс.

Блошкаськак ульнесь маштозь, кадовкшнось канстентень ансяк касомс, но те кизэстэнтэ арасельть пиземеть. Секс звенантень савсь искусственно валномс (насоссо, лей-касо) те драгоценной культуранть—южной мушконть. Мушконть андсть минеральной удобрениянтесэ. Те-сзяк природась ульнесь покорен-ной. Кантесэ кайсэ аволь чисэ, но часонь-час.

Ламо колхозникт ней тонавнтить Печказовань пельде, кода саемс сехте покш, сехте доброкачествен-ной урожай.

Печказова ялгась Мордовиянь весе коноплеводкатненень тердинзе-1937 иестэ саемс эрва гектар-

Покш мельсэ вастозель те при-зывесэ. Ламо ломанть кармасть роботамонь Печказова ялганть ладсо ды сынъ невтить истя жо замеча-тельной результатт.

Паро роботамонть кисэ **Маруся** ды весе сонзэ звенанзо ламоксть премировакшнызь питней падар-касо.

Сюпав ды весела масторсонть, мудрой ине Сталинэнь руководст-ванзо ало минек масторсо кассть ды касыть истят замечательной ломанть, кода Мария Печказова ды лият, конатне невтить паро ро-ботамонь образецт.

Атяшевской избирательной ок-ругонь кочкиятне оценили Печ-казова ялганть роботанзо, сынъ выдвинули сонзэ кандидатокс На-циональностненень Советс депута-токс Атяшевской избирательной округканть.

**Н. М. Симдянов.**

Чамзинкань район, Хлыстовка веле, „Крас-ный Октябрь“ колхоз.